

Het Zesde Metaal

"Ge Zwiegt"

Visit "[Ge Zwiegt](#)" on MotoLyrics.com

'k probeer u te vergeten
Maar 'k wete nog perfect waar da je stond
Ik zochte naar uw lippen
Maar gie hield uwe mond

'k ha de bizze nie zien hangen
'k wa der niet echt ip gekleed
'k bleve zitten, ik weet nie hoe lang' en
'k e uw woorden uitgezweet
We gingen andere wegen
Nat van de regen

'k kan het nog moeilijk geloven
e'k der iets ip gedaan?
Dat het vier zo rap kost doven?
Of es 't nooit echt aangegaan?

Ik kan der niet tegen
Die vragen waarom
't es vissen naar redens
Hoe dat het komt

Ge zwiegt omda j' de dingen nie kunt
Benoem'n of uit verdriet
De woorden zijn met veel te veel
Ge krieg ze deur uw kele niet
Ge zwiegt omda j' de dingen nie kunt
Benoem'n of uit verdriet
Ge zoekt hoe da je 't zeer verzacht
Maar oplossingen zijn der simpel niet

In 't begun sprong je nog binnen
Een beetje 'lijk ne goeie maat
Tot min spijt e 'k ondervonden
Dat zelfs da ook overgaat
En den tijd es ne genezer

Maar ons trokt ie uit mekaar

Gasten 'lijk Jezus zijn verrezen

Maar ik spele da nie klaar

Ik kan der niet tegen

Die vragen waarom

't es vissen naar redens

Hoe dat het komt?

Ge zwiegt omda j' de dingen nie kunt

Benoem'n of uit verdriet

De woorden zijn met veel te veel

Ge krieg ze deur uw kele niet

Ge zwiegt omda j' de dingen nie kunt

Benoem'n of uit verdriet

Ge zoekt hoe da je 't zeer verzacht

Maar oplossingen zijn der simpel niet

En a' 't voorkomt da 'k geneze

Da 'k iemand anders e

Da 'k in uw brieven nie langer meer leze

Wuk da j' nooit geschreven et

Gaan w' ton iets gaan eten

Zeggen da we 't verstaan

En 't tuope vergeten

Ons laten gaan

Ge zwiegt omda j' de dingen nie kunt

Benoem'n of uit verdriet

De woorden zijn met veel te veel

Ge krieg ze deur uw kele niet

Ge zwiegt omda j' de dingen nie kunt

Benoem'n of uit verdriet

Ge zoekt hoe da je 't zeer verzacht

Maar oplossingen zijn zo simpel niet

Visit [Het Zesde Metaal](#) page on MotoLyrics.com, to get more lyrics and videos.